



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphalias illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

S. Altfridus Episcopus Hildesiensis ex Monasterio Corbeiensi Ordinis S.
Benedicti

urn:nbn:de:hbz:466:1-28481

fium, & Montensium, qui ab hujus Adolphi sanguine posterioribus annis propagati sunt: ubi unus idemque cippus sepulchralis ambos contegit in sacello, quod vocant, Principum. Memoria tamen ejus in Monasterio veteris montis celebratur ad diem 10 Septembris.

S. Altfridus Episcopus

Hildesienfis.

Sanctus appellatur à Brusche. in Catal. Episcop. Hildes. Trithem. l. 3. de vir. illust. c. 207. Bucel. in Menol. Beatus à Gelen. in Hieroth. & Canisio in Martyrol. Vita desumpta est ex Schaten to. 1. annal. Paderb. & Bucelino.

Corbeia Westphalica plurium Episcoporum ferax mater B. Altfridum Hildesio submisit Antistitem. Ibi sub regula Divi Benedicti ad eam sanctitatem formatus est, quæ de secretioribus Monasterii claustris mereretur extrahi, & in luce orbis publica collocari. Natales deduxit suos è præcipua Westphaliæ nobilitate prope Essendiam: bona verò sua, sedemque natalitiam videtur habuisse in [a] Asnide, quæ nunc Essendia dicitur; oppidum insigni Virginum Abbatia in Westphalia celebre. Præ omnibus tamen perillustis familiæ

A 4

com-

[a] Schaten to. 1. Annal. pag. 175.

Westphalia sancta,
commodis vitam religiosam ducens, maluit
intra regularis disciplinæ septa securus vive-
re, quàm omnibus, quæ mundus offert, bonis
fortunisque circumfluere. Diœcesin Hilde-
siensem, quam per annos triginta tenuit, non
exemplo solùm, sed talibus etiam exornavit
monumentis, quæ Pastoralem ejus sollicitu-
dinem in omne tempus comendabunt. Nam
& Basilicam Cathedralis Ecclesiæ opere ma-
gnifico in altum sustulit; & Essendiense Vir-
ginum sacrarum Collegium (cujus ipse Fun-
dator est) magnis impendiis excitavit. Quan-
quam opus his longè pulchrius fuerit, Clerum
sanctissimis institutis à se formatum successo-
ri suo florentissimum reliquisse: hæc enim per
id tempus integerrimorum Præsulum prima
semper, ac præcipua cura fuit. Ejus sapien-
tiam, religionem, vitæ sanctimoniam, aliâque
illustrium virtutum decora tanti faciebat B.
Luthardus Paderbornæ Episcopus, ut eum
per omne tempus amicitia & familiaritate
habuerit sibi conjunctissimum. Excessit è vi-
vis die 15 Augusti anno 877. sepultus in Essen-
diensi, [b] quod exstruxit, Monasterio, mul-
tisq; post obitum miraculis à Deo illustratus.

[b] *Brusch. loc. cit. Eggehard. in Chron. Hildesf.*

S. Alt-